

МУАЛЛИФ СУРАТИГА ЧИЗГИЛАР

Ҳурматли китобхон!

Ҳаётда шундай инсонларга дуч келиш мумкинки, улар билан бақамти бўлишнинг ўзидаёқ барча саволларингизга жавоб топасиз, муаммоларингиз бир зумда ечилади, ҳаётингизга маъно-мазмун кира бошлайди. Бундай кишилардаги куч-қувват, закийлик, донишмандлик, бағрикенглик, меҳрибонлик, муҳаббат каби инсоний туйғулар билан бирга камтарлик ва оддийлик, қалбларидан таралиб турган чексиз нур ва ҳарорат сизни ўзига оҳанрабодек тортади.

Уларга ҳамсаф бўлсангиз, ўзингизни нафақат ишончли, ҳимояланган ҳис этасиз, балки яшашга, муттасил келажак сари олдинга қараб интилишга, албатта, ғалаба қозонишга иштиёқингиз ҳам орта боради.

Мирзакарим Норбеков ана шундай инсонлардан.

Эҳтимол, бу ном сизга танишдир. Нимагаки, бу ном кимгадир саломатлигини тиклаш билан боғлиқ бўлса, ким учундир ўзининг шахсий тадбиркорлик ишини бошлаши, яна кимгадир комил инсон бўлиб ўсиб, маънавий юксалиши ва ўзини Шахс сифатида таниши билан қадрли, кимларгадир буларнинг бари умумлашган ҳолда азиздир.

У атрофдагиларни кимсасиз қоронғу саҳрода чарақлаган нур каби ўзига жалб этади, у билан юзма-юз бўлган ҳар бир киши, хоҳ унинг китоби орқали, хоҳ ўқув машғулоти орқали мулоқатда бўлган ҳар бир инсон ўзининг саргузаштларга, кашфиётларга, қийинчиликлар-у ғалабаларга тўлиб-тошган фаройиботларга бой дунёсига саёҳат қилгандек бўлади.

Бу гайритабиий инсон чексиз истеъдоди, болаларча қизиқувчанлиги билан атрофдагиларга ҳаётдан завқланишни, мард жангчидек дойурак, комилликка етишган донишманд Устозлардек сабр-қаноатли, вазмин бўлиш истагини юқтиради.

Бугунги кунда Мирзакарим Норбеков йигирма тўрт мутахассислик йўналиши бўйича шогирдлар етиштирган. Уларнинг ҳар бири эса ўз навбатида билим ва тажрибаларини келажак авлодларга узатувчи занжирнинг ҳалқаларига айланиб улгуришган.

Битта инсоннинг ортидан турфа йўналиш бўйича бутун бошли қўшин каби издошларнинг бўлиши ақлга номувофиқдек кўринади. Спорт, бизнес, мураббийлик, психология, тиббиёт, деворларга безакли битиклар тушириш, мусиқа, кино, эстрада, ёзувчилик ва бошқа ҳоказолар сингари бир неча соҳаларни ўз шахсида мужассамлаштириш мураккаб ҳодиса.

Мирзакарим Норбеков санаб ўтилган барча йўналишлар бўйича етук мутахассис бўлибгина қолмай, бу соҳаларда катта ютуқларга эриша олган. У бизнес оламида мультимиллионер бўлиши ҳам мумкин эди, лекин у моддий бойлик кетидан қумди ва онгли равишда маънавий бойликни ҳар нарсадан устун қўйди.

Бу инсоннинг қўп йиллик меҳнатлари самараси ўлароқ миллионлаб кишилар ўз соғлигини тиклашга муваффақ бўлдилар ва уларда ўзларига нисбатан ишонч пайдо бўлди. Унинг мураббийлиги остида спортнинг бир неча турлари бўйича ўнлаб жаҳон чемпионлари етишиб чиқди, юзлаб кишиларга бизнесга томон йўл очилди ва бу кишилар ўзларининг миллионерлар клубларини ташкил этишди, ҳозирга келиб эса уларнинг сафи янада кенгайиб бормоқда. Мирзакарим Норбеков очган бир қанча институт ва академиялар муваффақиятли фаолият олиб бормоқда. Шуни ҳам таъкидлаш жоизки, у дунё эътирофидаги қўплаб инсонларнинг маслаҳатчисидир.

Муваффақиятларининг сири **ғолиб бўлиш санъатини мукамал эгаллагани билан белгиланади**. Истеъдодининг энг муҳим жиҳати эса инсон табиатини билиши ва инсонни сева олишидир.

Ушбу китоб орқали эса у Ғолиблик сари элтувчи эшикларнинг калити қаерда эканлиги ҳақида ҳикоя қилади.

АРИЗА

Турли корхоналар, бирлашмалар, ташкилотлар, компаниялар, жамоалар, ассоциациялар, федерациялар, коалициялар, блоклар, уюшмалар, иттифоқлар, жамиятлар, фирқалар, гуруҳлар, институтларнинг

ҳурматли вакиллари!



ЧАҚЛ

*Даставвал сизга митти
бир нақл ҳавола этамиз!*

Жаннатда оддий одамлар ва тадбиркорлар экскурсия қилиб юришганди.

Йўлбошловчи уларни огоҳлантирибди:

– Ҳозир биз имкон қадар овоз чиқармасдан юриб, кўплаб хоналарга назар ташлаймиз.

– Нега овоз чиқармасдан?

– Чунки ҳар бир эшик ортида ва ҳар бири ўзини дунёда ягона деб ҳисоблайдиган турли эътиқод вакиллари ўтирибди.

Ҳаммасини тушундингиз деган умиддаман!

Салкам **саккиз минг йилдан** бери бизнинг мактабимиз фалсафаси аҳли тариқат Устозлари йўли – ҳаёт жумбоқларига жавоб излаш билан банд. Инсонни ўзлигини англаш ва комилликка етишиш анъаналарига йўналтирилган бу изланишларнинг диний ақидаларга ҳеч қандай, мутлақо (!) алоқаси йўқ!

Аммо шундай бўлса-да бу сизга, боғингизга бурнимизни тикаётгандек бўлиб тўйилиши мумкин. Ҳатто бизга нисбатан сизда тажовузкорлик ҳисси уйғониб, бунга кўп вақтингиз ҳамда кучингизни йўқотарсиз!

Бизнинг мактаб ҳақиқат борасида ҳеч қандай тарғибот ишларини ўз олдига мақсад қилиб қўймаган, айниқса Аллоҳ, борасида.

Тангри ҳақиқати Ўзингизда мужассам! Мавжудлигингизни ўзиёқ нақадар ажойиб!

Шу сабабли, сизни хотиржам қилиш мақсадида, вақтингизни тежаб, ўзаро ойдинлик киритиш ниятида тезкор баҳолаш услубини таклиф қиламиз!

Агар сиз бизни ноҳақ деб ҳисобласангиз, биз: «Ҳа, сиз ҳақсиз. Ҳақиқатан ҳам худди шундай!»—деб жавоб берамиз».

Агар сиз бизни ҳақ деб ҳисоблар экансиз, биз бу ҳолда ҳам: «Ҳақиқатан ҳам худди шундай!» — деб фикрингизга қўшиламиз.

Шундай экан, сиз барибир ғазабланмоқчи бўлсангиз, илтимос — ёдда тутинг — яхшилик йўлида қилинган ёмонлик, яхшилик ҳисобланмайди! Сиз ҳам шу фикрдасиз, деган умиддаман!

*Сизга муҳаббат билан муаллиф
ва қўшимча вазифадаги йўлбошловчи.*

МУҲАРРИРЛАРДАН

Ҳурматли ўқувчилар!

Чин кўнгилдан самимий табригимизни қабул қилинг!

Қўлингиздаги Мирзакарим Норбековнинг янги китоби ҳам тренажер-китоб, феъл-атворингиздаги нуқсонларни бартараф этишда кўмакчи бўлиш билан бирга, кўплаб саволларингизга жавоб топишда, ҳатто ҳаётдаги ўз йўлингизни танлашингизда қўлланма бўлиб хизмат қилади.

Ҳеч кимга сир эмаски, Мирзакарим Норбековнинг аввалги «Тентакнинг тажрибаси ёхуд кўз нуруни тиклаш калити...» китоби рекорд натижага эришди. Муттасил равишда катта талабга эга бўлган китоблар рейтингда биринчи ўринни эгаллаб, ҳақиқий бестселлерлар рўйхатига кирди.

Барча ҳодисалар сингари машҳурликнинг ҳам акс томони бор. Баъзи бир ношир биродарлар Норбеков номидан – унинг рухсатисиз, кетма-кет равишда янгидан-янги китобларини нашрдан чиқариб, сохта йўл билан бойлик орттирмоқда.

Сўнги йиллардаги тахминий ҳисобга кўра, унинг номидан ўндан ортиқ номдаги китоблар сотувга чиқарилган.

Сизга чин дилдан раҳмат, «ҳамкасблар»!

Чунки сизнинг кўчирмакашликдаги фаоллигингиз натижаси ўлароқ, ижодий жараён керакли томонга йўналди. Мирзакарим Норбеков ўзининг янги китобини ёзди!

Ҳурматли китобхон, ушбу ва кейинги китобларни ўқиш жараёнида муаллифнинг ҳақиқий асари ва унинг номидан чиқарилаётган қалбаки китобларни бир-биридан ажрата олиш қобилиятингизни ҳам ривожлантириб борасиз.

Ана энди баъзи бир нарсалар ҳақида сирлашамиз.

Мирзакарим Норбековнинг ғайритабиий хислатли инсон эканидан балки сизни хабарингиз бордир. Унинг ҳаётида бир қарашда сирли, лекин бу каби инсонлар учун оддий ҳаёт тар-

зига айланган воқеа-ҳодисалар кўплаб содир бўлиб туради. Бунақа ҳодисалар аксарият кишиларга эртакнамо, ғаройиб, ҳатто муболаға бўлиб туйилиши эҳтимолдан узоқ эмас.

Гарчи уларнинг барчаси аниқ асосга, деярли илмий асосга эга бўлса-да, оддий одамларнинг тушунмаслигини инобатга олиб муаллиф бу воқеалар ҳақида маълумот беришга қаттиқ қаршилик кўрсатди.

Конфетнинг ўзидан кўра ялтироқ қоғози муҳим кўринганидек, кўп ҳолларда фикрлаш доирасининг торлиги, ҳодисаларни англаш қобилиятининг ривожланмагани, ички моҳиятни назардан қочирган ҳолда бутун эътиборни фақат пўстига қаратишга олиб келади. Афсуски, кўпчилик дунёни мана шундай қабул қилади.

Китобнинг ўқув-машқ қисмларини Мирзакарим Норбековнинг ҳаётидан олинган лавҳалар билан тўлдириш истаги бизда пайдо бўлиши сиз учун ўз навбатида «эртак»лар оламига шўнғишга, дам олишга ва олинган сабоқларни қайта мулоҳаза қилиб, тошу тарозига солиб кўришга имкон беради.

Шу тариқа биз баъзи бир лавҳаларни киритишга таваккал қилдик. Уларни қандай қабул қилиш сизнинг эътиборингизга ҳавола.

Агар, сиз матнда P.S. (постскрипtum – лотинчадан таржима «матндан сўнг») ҳарфларини учратсангиз – бу бизнинг паролимиз бўлади.

Охир-оқибатда Мирзакарим Санокүловичнинг саъй-ҳаракатларимизга кўнишдан ўзга чораси қолмади, ниманидир ўзгартириш учун энди кеч.

Шунинг учун биздан ўпкаламанг.

Муҳаррирлар

МУАЛЛИПДАН КИРИШ СЎЗИ



*Кўлланма тезкор ўргатиш услубига асосан ёзилган!
Эҳтиёт бўлинг! Ҳақоратлардан таъсирланилмасин!*

Хурматли ўқувчи!

Мана бу сиз учун кутилмаган совға.

Мен сизларни узоқ вақт ваъдалар билан боқдим, ахир ким бўлишимдан қатъи назар, мен барибир эркак кишиман, эркак кишига эса, ўзингиз биласиз, ишониб бўлмайди!

Эркаклар! Бу ерда мен ёлғон гапиряпман, гапларимга ишонаверманг! Мен шунчаки қулоққа лағмон осаяпман, холос!

Шундай бўлса-да, бир кун тасодифан, бутунлай тасодифан заррабинга қадалиб ўтирганимда, туйқусдан нимадир кўришиб қолди: мит-т-игина, қаеридир танишдай нарса лип этиб кўринди-ю дарров ғойиб бўлди. Заррабин тасвир мурватини етарли даражада катталаштиргач, уни танидим. «Вой-й-й! Ахир бу менинг виждоним-ку!!!»

Вожабо, қаранг-а, менда виждон бор экан, мана керак бўлса сенга бош оғриғи! Шу заҳоти ўзим берган ваъдамни эслаб, олдин уялдим, кейин яна ҳам қаттиқроқ уялдим! Ана шунда тушуниб етдимки – энди бошқа чўзиш мумкин эмас!

Мана шу «уялганим» ва «қаттиқроқ уялган»ларимнинг ҳар бири учун яқинларим ёрдамида биттадан китоб ёздим.

Демак, кўлингиздаги биринчи китоб ўз ҳаётига нисбатан виждони борларга мўлжалланган. Бу ерда айтилганларнинг деярли ҳаммаси яна такрорланган иккинчи китобим эса, виждони нафақат ўзига ва яқинларига, балки бутун оламга етадиган инсонларга, эзгулик йўлида, яхшилик йўлида бошқаларга ёрдам қўлини узата оладиганларга мўлжалланган.

Шартли равишда у «Бобоси-ю момосининг сирлари ёхуд махфий билимлар Алифбоси» деб номланади.

«Тентакнинг тажрибаси...» китобим билан ва тезкор ўргатиш услубига асосланган ўқув машғулотларимиз билан таниш бўлишингиздан қатъи назар қўлингиздаги китобнинг баён этилиш услуби ва шакли сиз учун қутилмаган бўлиши аниқ.

Қолаверса ўқувчиларни ҳайратга соладиган услубга яна қўшимча равишда парда ҳам тортилган, яъни коса тагида ним коса шаклида баён этилган. Нима учун? Ана шунинг учунки...

Мен ўзимни танлаш ҳуқуқига эга ҳисоблайман: кимгадир, шартли айтганда, миллион ёки миллиард... масалалар ечимини, шу жумладан иқтисодий муаммолар ечимини ҳам тақдим этиш, кимларгадир эса... Шунинг учун ҳам, авваламбор бу одамларнинг кимлиги билан қизиқдим.

Сиз, китобда гап пул ҳақида борар экан, деб ўйламанг, Худо сақласин, йўқ! Шундай нарсалар борки, улар ҳар қандай моддий бойликдан қимматроқ, азизроқ туради!

Устозларимнинг ҳузурига донишмандлик ва қудратнинг тафтини ҳис этиш, илм ўрганиш йўлидаги машаққатлар-у тўсиқларга қарамай, маблағларини ҳам аямай дунёнинг турли бурчакларидан одамлар оқиб келишади.

Шу боис ҳам кимдир бу китобни арзимаган пулга сотиб олиб, қорин қашлаганча уйқусираб эснаб, китобни наридан бери, ҳар жойидан эринчоқлик билан саҳифалаб ўзининг яширин ички имкониятларига осонгина эришмоқчи бўлганини тасаввур этиш менга ёқмайди.

Сизни ишонтириб айтаманки, бундайлар фойда кўриш нари турсин балки бу билимларни етарли даражада баҳолай ҳам олмайди.

Устозларнинг минг йиллар давомида тўплаган билимлари ва меҳнатларини сариқ чақага алишмаслик учун китобда тўсиқлар қўйишимизга, яъни қабул қилиш доирасини чегаралашимизга тўғри келди.

Шулардан келиб чиқиб, «Миллион текин маслаҳат...» китоби атайлаб кўрс ёзилган, баъзи жойларда очикча қўполликлар ишлатилган. Баён этиш мантиқи бузилган, такрорланишлар учраб туради, маъно жиҳатдан бир-бирига қовушмаган сўзлар кетма-кетлиги ишлатилган.

Сизни чалкаштириш мақсадида мавзу бутун китоб бўйлаб атайлаб сочиб ташланган. Бизга ишонишингиз мумкин, бир бутун яхлит билимни мозаика шаклида беришнинг ўзи бўлгани йўқ, яна ҳар бир элемент гўёки мантиқан тугалланмагандек.

Агар сизнинг сезгиларингиз етарли даражада, айтайлик, «академия»га кириш даражасида етарлича бўлса, сиз гап нима ҳақда бораётганини дарров пайқайсиз, ана ўшанда сиз, ҳозирча миттигина илоҳий қисмингизни, ичингиздаги илоҳий меросингизни чуқур эҳтиром билан узатилган ликопчадан топиб оласиз.

Агар сиз мен ўйлаган одам бўлсангиз, матнда яширинган калитларни осонликча топиб, тугалланмаган жойларни мустақил равишда тиклашга муваффақ бўласиз.

Агар сиз ҳаётда феъл-атворингиз, меҳрибонлигингиз, зиёкорлигингиз билан барча нарсаларда энг яхши, энг аълосига лойиқ бўлсангиз, бу ҳол сиздан муҳим тайёргарликни талаб этмайди, фикрларингизни, шахс сифатидаги энг ажойиб томонингизни жамлашга муҳтожлик қолдирмайди — буларнинг бари сизда мужассам. Қўйилган тўсиқни сиз ҳатто сезмайсиз ҳам. Мана шундайлигингиз учун ўзингизнинг қобилятингизни, мавжуд ва захирадаги имкониятларингизни янада кенгайтириш кўринишидаги совғани қабул қиласиз.

Хўш қалай, қўрқиб кетдингизми?..

Менинг қадронгинам! Биз бу йўлни ахир биргаликда, ҳатто икки мароталаб босиб ўтамиз! Кўзланган манзилга эса ҳаракатдаги одамгина етиб бора олади.

Биз сиз билан бегона кимсаларнинг билимига, тажрибасига асосланган, кимларнингдир чайнайвериб сийқаси чиққан интеллектуал озуқасидан, дунёни одатий қабул қилишдан узилишимиз керак. Бугун эса, қабул қилиш доирангиз даражасидан келиб чиққан ҳолда, бу босқичда нимага тайёр бўлсангиз, шу нарсага эришасиз.

Бундан кейин нашрдан чиқадиган китобда ҳам шу масалалар ёритилган. У китоб ҳам айнан шундай мисол ва маълумотлар асосида ёзилган, лекин бироз бошқачароқ. Қанчалик бошқачароқ эканлиги сизга таниш маълумотларни қай даражада қабул қилишингиз ва шуурингиз нечоғли ўсганига боғлиқ. «Миллион текин маслаҳат...» китоби билан танишмай туриб, «Бобоси-ю момосининг сирлари...» китобига ўта кўрманг.

Ушбу китобдан кўзланган мақсад – азиз ўқувчим, сизни атроф-оламни нозикроқ англашга ва уни янада чуқурроқ қабул қилишга шундай тайёрлашимиз керакки, келажакда муҳим аҳамиятга эга бўлган биронта нарса ҳам назарингиздан четда қолмасин.

«Бобоси-ю момосининг сирлари..» китобига етиб келгунча сиз берилган маълумотларни кенг кўламли бир бутун, яхлит ҳолда қабул қилишга тайёр бўласиз. Албатта, яна шундай шарти ҳам борки, сиз ўз устингизда шуғулланган ҳолда, ботинингизда яширинган сирли қудратингизни очишга муваффақ бўласиз.

Сизга яхши маълумки, йўл-йўлакай барча қийинчиликлар-у тўсиқларни енгиб ўтиб келган булоқнинг суви энг тоза сув бўлади.

Бу китобга айнан шундай тозариш услубини ҳис-туйғуларингиздаги, феъл-атворингиздаги, шахсиятингиздаги кераксиз чирқларни, хас-чўпларни тозалаш учун атайлаб киритдик.

Мен учун энг муҳими, азизларим, қум уюмидаги ўйинингизни имкон қадар тезроқ йиғиштириб тезроқ улғайишингиз, оддий одамларга хос феъл-атворингиздаги майдакашликни четга суриб, гина-кудурат юкидан халос бўлишингиз ва бу ҳаётдаги ҳақиқий вазифангизни бажаришга киришганингиз.

Бизни муҳаббат, уйғунлик, комиллик сари етакловчи улкан ишлар кутмоқда!

Хўш, у ҳолда бошладикми?..

*Сизга самимий эҳтиром ила
Мирзакарим Норбеков*

АССАЛОМАЛЕЙКУМ! _____

Яна бир бора муаллифдан

Мана ҳозир – неча бора ўтиряпман, юряпман, баъзан стол атрофида гир айланиб югураман, кейин яна ўйлайман, ўйлайман, ўйлайвераман...

Қачонлардир ёки қаердадир эмас, айнан бизнинг кунларда, шу ерда – орамизда ўзларидаги буюк Илоҳий қудратнинг сирини оча олган инсонларнинг ҳақиқатан ҳам борлигини, қандай қилиб гапириб берсам экан?

Сизга озор бермасдан, сизнинг тўлақонлилик ҳиссиётингизга путур етказмасдан, буларни қандай қилиб етказсам экан? Дунёни англаш, қабул қилиш даражаси турли савиядаги ўқувчимга китобни имкон қадар кўпроқ ўзи учун фойда олиши мумкин бўлган тарзда қай тарзда баён этиш мумкин?

Ўзимни ўтмишда тушунмасдан, инкор этиб, қабул қилмай йўл қўйган хатоларимдан бугун сизни қандай эҳтиётласам экан?

Бу хилдаги барча «қандай» сўроқларига менинг асосий маслаҳатчим ва устозим – ички сезгимнинг жавоби бор. Устозларим маслаҳатига кўра, эгнимга мажбуран кийиб олган ғарбона ташқи ниқобларим тўхтовсиз равишда қулоғимга минғирлагани минғирлаган: улар сени тушунмасликлари мумкин! Ва ҳоказо, ва ҳоказо.

Айниқса, Устозларимнинг айтаётганларини атроф-оламдаги ҳақиқий ҳаёт билан солиштирганда, уларнинг имкониятлари борасида даставвал менда ҳам катта гумондорлик ва шубҳа бор эди. Аммо-лекин бу инсонлардаги **имкониятларни** кўрганимда уларнинг адолатсизликларидан хафа бўлиб, норозиликдан фигоним фалакка чиқарди:

– Худбинлар! Сизлар фақат ўзларингизни ўйлайсизлар. Шундай буюк кучга эга бўла туриб, уларни одамлар билан баҳам кўришни истамайсизлар!

Ҳаётда сизлар битта ҳаракатингиз, битта истагингиз билан йўқ қилишингиз мумкин бўлган қанча ножоизликлар, уруш-

лар ва бахтсизликлар бор! Сизлар эса фақат ўзга дунёлар, комилликка эришиш билан бандсизлар.

Ундан кўра одамларни соғайтириш, тўйдириш ва бахтли қилиш ғамини есангиз бўлади-ку. Сизлар бўлса ёрдам бериш ўрнига фақат ҳамдардлик билдириб, бош қимирлатишдан на-рига ўтмайсизлар.

Мен кўп бора улардан норози бўлганча ҳайратланиб сўрардим:

– Нима учун, нима учун, нима учун?..

Улар эса менга жирканиш ва ачиниш билан қарашар экан:

– Вақти соати етиб ўзингдаги ҳақиқий кучни англаб, уларни оча олсанг, ана ўшанда ўзинг учун ҳал қиларсан, ёрдам бериш керакмикан ёки йўқми? – дейишарди.

Шундан буён... Эй, Худо! Ўттиз йил ўтибди!

Мана энди-энди уларни озми-кўпми англагандай бўляпман, аммо ҳали ҳам уларни тўла-тўқис англаб етдим деб ишонч билан айта олмайман... Фақат бир нарсани аниқ биламан: уларнинг кўзларида жирканиш йўқ ва бўлиши ҳам мумкин эмас эди. Қизиқувчан кичкинтой билан муҳаббат ҳақида суҳбат қураётганларнинг нигоҳларида меҳрибонлик ва ошиқлар ғамгинлиги барқ урарди.

Бу китоб оддий одамлар дунёси ва ғайриоддий имкониятларга эга Ишқ аҳли дунёси ўртасида алоқа ўрнатишга бўлган навбатдаги ғарибона уриниш, холос.

Бу икки дунё ўртасида улкан жарлик ястанган. Неча бора қўлбола мосламалар ёрдамида кўприкча қуриб, балки бўлғуси суҳбатдошларимдан биронтаси кечув жойини қидираётгандир деган умидда у қирғоқ билан бу қирғоқни туташтиришга интиламан.

Дунёвий шуҳратпарастликдан бегона ошиқлар, ошиқликнинг инжа ҳолати ва қудрати миқёсидаги бу ишқ аҳли оддий одамларга худди ота билан она ўзининг хаста фарзандига қарагандек қарашади. Улар санокли кишиларгагина ёрдам бериш мумкинлигини англаган ҳолда, бошқаларга ачиниш ва ҳамдардлик билан тикилишади.

Мана, энди бўлди, ёзиб бўлдим, энди мени бир вақтнинг ўзида ҳар икки томондан яхшигина зарбалар кутяпти.

Бир томондан тушадиган калтак – Устозларимнинг баъзи бир таъқиқларини бузиб, баён этишда жуда жўн услуб қўлла-

ган ҳолда юқори ғояларга ҳурматсизлик қилганим ва ихтиёрсиз равишда баъзи сирларни ошкор қилганим учун.

Бошқа томондан — гафлат босганлар дунёсининг юқори илмий ақлларининг тоқатли табассум ила менинг шаънимга йўллаётган бўлмағур киноялари туфайли.

Онгли равишда бу фикрларга, шубҳаларга, ўзбилармонларга қарши тик боришга тайёрман. Камикадзелар кимоносини кийиб... ёки буни қандай тушунтирсам экан?

Тўхта!

Яна озгина, ҳеч бўлмаса бир неча дақиқа ҳеч қандай сунъий ниқобларсиз ўзлим билан қолишни истайман! Олдимдаги қоғозга ўзимнинг ҳақиқий ҳолатимни туширишни хоҳлайман.


Биз яна бир неча саҳифалардан кейин учрашганимизда, мен буткул бошқача қиёфада намоён бўламан. Аммо, эслаб қолинг: кечами, кундузми, мен қаерда бўлишимдан, нима иш билан шуғулланишимдан қатъи назар менинг ҳақиқий ҳолатим — **мана шу...**

...Ойдин кеча. Кимсасиз қирғоқ. Елканли қайиқ тўлқинларда сокин чайқалмоқда. У ҳозиргина ўзга оламлар саёҳатидан қайтиб келди. Елканларга узоқ ўлкаларга қилинган сафар шамоли, уйғунлик, ҳақиқат ва Буюк севгининг руҳи сингиб кетган.

Бу елканлар фақат ўзга ўлчам оламига хос бокиралик ва тозалик уфуриб турган булут каби ярқирамоқда. Ҳар бир арқон ҳали ҳам ўзида ёрқинлик, тезкорлик, яшин кучини, мўъжизалар сирини, тозалик шуъласини, анвойи ўсимликлар ифориини сақлаб турибди.

Ҳиссиётлар туғёни ҳали ҳануз бошқа давр, бошқа ўлчам, бошқа кенгликдаги ўзга дунёга қилинган сеҳрли саёҳатдан қайтиб улгурмаган.

Кимнингдир ғамгин хўрсиниши ва пиқиллаб йиғламсираши ёқимли хотиралар уммонидан уйғотиб ўзимга келишимга мажбур қилди.



Миттигина тентаквой гунча кўйлагимнинг ёқаси тагидан кўрқа-писа мўралаб турарди. Икки сониягина олдин, мен қайтишга шайланганимда, кичкинтой билдирмасдан соддадиллик билан бегона дунёда ўзига хос такрорланмас гўзалликни кўраман, деб умид қилган.

Бечорагина! Қанчалар адашганини билганида эди! Фафлат босганларнинг кўрқинчли дунёсига тушиб қолишини у тасаввур ҳам қилолмаган!

Агар аввалроқ пайқаганимда, уни албатта бундай кўнгилсизликдан сақлаб қолган бўлардим. Мен ахир қаёққа қайтаётганимни билардим-ку!

Унинг катта очилган шудринг кўзларида чиқинди-ю ахлатлар уюмининг томошагоҳи ой нурида ёритилган сахнадек акс этиб турарди, бу ерда аллақачон қорин гами ва ҳирс мадҳияси янграб ўтган. Ижрочилар — ҳордиқ чиқараётган маишатпарастрлар хори.

Мана энди майингина илиқ шабада енгиллик билан бу дабдабали воқеанинг узуқ-юлуқ қолдиқларини тортқилаган ҳолда, хотиралар ахлатини ҳар томонга ҳайдамоқда.

Икки томчи ёш, нозик новдадан оқиб тушиб чанг босган кийимларим орасида ноумид ҳолда сингиб кетди.

Дилдаги ғашлик билан бир қаторда олди-қочди латифа-ю ҳазил-мутойибаларга, очикдан-очик безбетлик ва кўполликларга, жирканч ҳақоратларга, димоғ-фироғларга, сунъий мулозаматларга, ниқоб учун бўёқларга тўла тўрвахалтамни елкамга ташлаб йўлга тушаман.

Ахир мен ўзим бораётган жойнинг тили, ўзига хосликлари, урф-одат ва амалларини билишим керак-да! Акс ҳолда, омадим чопса улар мени сезмасликлари мумкин, аксинча бўлганида — улар ўзларига ўхшамаганини кўришса тилка-порасини чиқаришади!

Ирода кучимни мажбурлаган ҳолда «цирк томошагоҳи»ни эслатувчи ҳаётнинг митти шаҳрига кириб бораман. Абдий саёҳатлар ва саргузаштлар ҳақида гапириб бериш учун мана нечанчи бора мен бу шовқинли, бемаъни маконга кириб келишим. Фақат мени эшитишармикин?

Ғам-ғуссаларимдан масхарабозлик аломатларини ўйлаб топиб, таваллуд лаҳзаларидан рамақ онларигача фақат бугунги



- Lituz.com

Elektron kitoblar

**To'liq qismini Shu tugmani
bosish orqali sotib oling!**